

B. C. D.

DISSERTATIO EPISTOLICA

DE

TEMPORIS NAT-  
TVRA EIVSQUE MENSU-  
RANDI ORIGINE

QVA

VIRO PERILLVSTRI GENEROSISSI-  
MO ATQVE EXCELLENTISSIMO

DOMINO

DN. PHILIPPO WILHELMO

S. R. I. EQVITI ET LIBERO BARONI A RAGKNIZ  
DOMINO IN HAVNSHEIM HEINSHEIM BERNEGG S. VL-  
RICH OBER-MARBVRG OBER-KVHNBERG RELIQUA

CAESAREAE MAIESTATIS CONSILIARIO SPLENDI-  
DISSIMO PERILLVSTRIS SVEVICI EQVESTRIS ORDINIS QVI PRO-  
XIME IMPERIO ROMANO-GERMANICO SVBIECTVS EST  
AD AMNEM KOCHERAM DELEGATO GRAVISSIMO

VIRO IMMORTALIBVS MERITIS CONSPICVO

ET

AD STVDIA LITERARIA MAXIME PROMOVENDA SINGVLARI  
FELICITATE NATO

DOMINO ET MAECENATI SVO INDVLGENTISSIMO

FELIX NOVI TEMPORIS AVSPICIVM NESTOREOS ANNOS  
REGIMENQVE FORTVNATVM

APPRECATVR

TAM ILLVSTRIS NOMINIS

CVLTOR ET CLIENS DEVOTISSIMVS

IO. IACOBVS BOECKIVS GIENGENSIS.


---

VLM AE, TYPIS CHRISTIANI VLRICI WAGNERI.

58700(11)







VIR PERILLVSTRIS  
GENEROSISSIME ATQVE  
EXCELLENTISSIME  
LITERARVM PATRONE  
ET  
MAECENAS GRATIOSISSIME.



Veneranda celebris quondam  
Græciæ & Romæ antiquitas nobis  
reliquit excellentium bigam virorum,  
qui, præter cætera egregia facinora,  
partim doctrina exquisitissima, par-  
tim singulari favore & propensissima  
in literas & literatorum studia volun-  
tate nomina sua ab interitu vindica-  
runt, eademque in hanc usque ætatem celebratissima ef-  
fecerunt. Herculem innuo, Musagetæ cognomento or-  
natum, & C. Licinium Mæcenatem. Horum enim duum-  
virorum tanta fuit felicitas, ut honorifica & (\*) *Musagetæ*  
A 2 &

(\*) De hoc nomine vide sis *Majum* in *biblioth. MS. Vffenbach.*  
P. II. p. 645.



& (\*) *Mæcenatis* appellatione salutarentur quivis summi optimarum artium Statores & Promotores. Id genus nominum, *Mæcenatis* maxime, nullo non tempore honori sibi duxerunt Imperatores, Reges, Duces, Principes, cæterique illustres Domini, & quævis pene secula ejusmodi *Musagetis* & *Mæcenatibus* superbiunt, quorum nomina haud parca manu dat C. A. Heumann in (\*\*) *Conspect. Reipubl. Literar.* Non libet, nec licet nunc respicere spatia præteriti temporis, cum ætas quoque nostra adeo ferax extiterit, ut literarum literatorumque amantes & studiosiores sat bene multos excitaverit, cum veteribus illis, qui *Mæcenates* & *Musagetæ* audiverunt, omnem in partem comparandos atque æquandos. TV IPSE VIR PERILLVSTRIS, inter cæteras generosas mentes, h. e. TVI similes, splendidis & immortalibus in Musas, Musisque operantes meritis & beneficiis undiquaque cluis, illudque *Musagetæ* & *Mæcenatis* elogium ac honorem jamdudum consecutus es. Quis enim non singulares animi TVI virtutes, inter tot & tantos nobilitatis, dignitatis, munerum & honorum titulos domi forisque laudat? quis non benefacta atque præmia, quibus, veluti machinarum subsidiis, literæ in altum evehuntur, prædicat? quis non doctrinam TVAM & optimarum artium scientiam celebrat? quis non denique TE Musarum Patronum, Altorem & Vindicem demisse veneratur? Iam vero, cum ab antiquissimis temporibus, laudabili pietate (\*\*\*) , mos invaluerit, ut clientes, data

(\*) De *Mæcenate* scriptores commemorat Io. Albert. Fabricius *biblioth. lat. tom. III. p. 964.* quibus add. *biblioth. novæ Rengerianæ germanice editæ tom. IV. p. 297. seqq.*

(\*\*) *Cap. IV. passim.*

(\*\*\*) Abunde hoc confirmant scripta & poemata *Virgilii*, *Horatii*, *Ovidii*, de quibus consul. I. A. Fabricius l. cit. cap. XII. c. XIII. c. XV.



data quavis læta occasione , scriptione solemni studiorum Evergetis publica pro ipsorum salute vota nuncupent, beneficia , divite manu in se collata, prædicent, & se suaque studia in posterum quoque commendent : levitatis itaque pariter & temeritatis culpam, credo, effugiam, si & ipse TVI NOMINIS devotissimus cliens publicum hujusmodi pietatis monumentum jam jam erigam. Memoria namque prolixissimæ TVAE benevolentiae, qua me, nihil tale cogitantem, nedum merentem homuncionem beasti, tanta gratissimi sensus suavitate me perfudit, ut, quicquid TVORVM in me beneficiorum extitit, intra pectus diutius continere nequirem ; sed erumpere in verba gestit, urget, jubet animus, testesque requirit, quos & in TVORVM benefactorum conscientiam trahere liceat. Me, fateor, & sensa animi, & verba deficiunt, quæ dignitatem TVAM deceant ; at defectum supplebit summa modestia & submissio animi, qua de TE semper sentio, & ad TE jam scribo. Specimen literarii studii mei exhibeo, quale in præsentia rerum est, non quale esse deberet, quo tamen in posterum enitendi immota stat sententia. Eccui autem, præterquam TIBI, DOMINE GRATIOSISSIME, quæ studiorum meorum ratio sit, exponere pietas efflagitat ; cum TIBI me totum a puero debeam. Liberalissima cura TVA providit studiis meis in ipso statim eorundem limine. TVA auctoritate & consilio in Gymnasium, quod *Ulmæ* floret, celebratissimum me recepi. Tvo clementissimo jussu & patrocínio munificentissimo suffultus, recens illud Musarum domicilium florentissimum, *Georgiam Augustam Academiam* me conferam, &, ut multa paucis comprehendam, TE

A 3

pro-

c. XV. Ex recentioribus unicum, & quidem præcipuum, *Marsilium Ficinum* allegabo, cujus vitam & studia in *Cosmum* eleganter descripsit Io. Georg. Schelhornius tom. I. amœnit. liter. p. 19. sqq.



propitium mihi quavis occasione abunde sum expertus. Accipe ergo, MAECENAS INDVLGENTISSIME, has qualescunque ingenii & studiorum meorum primitias, accipe animo & vultu favente, quo me meaque huc usque excipere dignatus fuisti.

**M**ateriam autem scribendi, in qua TIBI profectus meos quodammodo probarem, non arcessivi e longinquo, sed, quasi natam sub manibus, cupide sum amplexus. Novi anni tempus, quod sereno Numine & TIBI, VIR GENEROSISSIME, illuxit, commodum temporis notionem animo ingessit, cui cominus & penitus contuendæ, aliquid temporis impendere, operæ pretium fore duxi. Quanquam absque hoc etiam si esset, quis inficias iret, esse hoc argumentum ejusmodi, ut sponte se obtulisse videri queat. Nascimur in tempore, vivimus in tempore, in tempore quiescimus pariter & movemur, cum loquimur, tempus est, cum tacemus, tempus est, cum bene collocamus otium, tempus est, cum male, tempus est. Verum enim vero tam recondita eruditis viris dudum visa fuit temporis natura, ut, si ullibi, hic certe intellectus nostri tenebras, quasi indignabundi, incusarent. Rotundo ore Cicero (a) fatetur: *tempus ipsum generaliter definire, difficile esse.* Et quem fugit illud Augustini (b) dictum: *si nemo ex me quærat, quid sit tempus, scio: si quærenti explicare velim, nescio.* Cui addere lubet verba, quæ sub initium istius colloquii, quod hac super re cum Deo habuit, (c) leguntur: *ecce veteres posuisti dies meos, & transeunt, & quomodo, nescio. Et dicimus tempus & tempus, tempora & tempora. Quamdiu dixit hoc ille? quamdiu fecit hoc ille? & quam longo tempore illud non vidi? & duplum temporis habet hæc syllaba, ad illam syllabam brevem, dicimus hæc & audimus hæc, & intelligimur & intelligimus. Manifestissima & usitatissima sunt: & eadem rursus nimis latent, & non est inventio eorum.* Quibus calculum suum addit, duce Epicu-

ro,

(a) De inventione lib. I. p. m. 80.

(b) Lib. XI. confess. cap. 14.

(c) Loc. cit. cap. 22.



ro; *Gassendus* (d); ille enim noluit de tempore loquentes aliis uti formulis, quam familiaribus, quæ de ipso extant. Consentit ex novioribus *Io. Christoph. Sturmius* (e), cujus verba digna sunt, quæ hoc loco a me exscribantur: *¶ in rebus*, inquit, *quæ familiarissimæ nobis sunt, usuque communi notissimæ ¶ quasi domesticæ*, *Tempus est præcipue*; utpote quo totam vitæ nostræ rationem, rerum gestarum gerendarumque ordinem, *¶ fatales terminos*, quicquid denique *domi forisque agimus*, *proponimus*, *deliberamus*, *¶ ita limitamus*, *definimus*, *circumscribimus*, ut in obscuro futura omnia videantur, nisi cum cæteris etiam temporis circumstantia, imo hæc præcipue, lucem ipsis affunderet. Et tamen ipsum tempus, quod in partes ipsimet ex arbitrato nostro secuimus, (adeo nobis in manu quasi positum est) quid rei tandem sit, *¶ qualis ejus natura*, usque adeo nobis est inexplicabile, *¶ Agnoscunt & alii*, umbram esse tempus, quam omnes videant, in qua omnes ambulent, quæ omnes & præcedat, & sequatur, & circumstet, quam tamen capere, &prehendere nemo valeat. Assimilant tempus anguillæ, quæ tam mitis est, tam mansueta, ut sub manus veniat nobis, eadem vicissim tam lubrica, ut, cum, eam comprehensam esse, putamus, non elabatur demum, sed elapsa jam sit. Hæc si doctiorum querela fuit, quam meam esse conveniet. At quis negat, plura olim tenebris involuta jacuisse, quæ sequior ætas in aprico posuit. Multis rebus, propria hominum culpa, circumfusa fuit caligo, quæ alias nativa radiarunt luce. Aliquid, quod luminis claritatem superaret, circumspicientes, pro luce, larvas & umbras captarunt, in rebus postmodum obscuritatem hædere, inique caussati, quam suo intellectui ipsimet obfuderunt. Id vitii carpunt Logici doctores sub titulo nimie abstractionis, qua eousque a rei attributis, modis, variisque respectibus abstrahere satagunt eruditi, donec, nimia subtilitate sua, & inanes & obscuri evadunt, ita, ut in mente nihil rei, in voce nihil, nisi vacuus & vanus sonus remaneat. Quin idem temporis notioni acciderit, nullus dubito. Accedit, multos solitos esse, ut de rebus ex indole & habitu vocabulorum, quibus efferuntur, judicium ferant admodum fallax. Inde, quia tempus substantivo nomine appellatur, de eodem, ac si absoluta quædam realitas, imo substan-

(d) Vid. ejusdem animadversiones in Diogenem Laërt. p. 605.

(e) *Philos. eclectica tom. II. exercitat. VIII. p. 323. seq.*



substantia esset, loqui assueverunt. Et, nisi me omnia fallunt, abstractionis abufui originem suam debet divisio temporis, quod in internum, sive metaphysicum, & externum, sive physicum & astronomicum, vulgo discescunt, qua in temporis idea, rem ejusque durationem, a durationis mensura, quæ in alia re est, irrito conatu dirimunt; illud nos plane fugere, hoc autem nos capere posse, dictitantes. Relatio enim, seu comparatio, quæ hic inter duas minimum res instituitur, est tantum cogitatio mentis, qua ~~æstet~~ illarum rerum attendit, eamque voce exprimit, haud certe exitura, si mens intelligens, cum ista sua cogitatione haud existeret, licet termini comparisonis, correlata vocant, itemque fundamentum, quo innititur hæc relatio unius rei ad aliam, existere in rerum universitate possint, nemine etiam de iisdem cogitante. Accuratus, duce Anglo Philosopho *Ioanne Lockio* (f), rationes temporis subduxerunt noviores, qui tamen temporis vocabulo, æquocationibus obnoxio, subjecerunt generalem durationis notionem, quam deinceps in notissimas species subdividunt, æternitatem puta, ævum, & tempus strictissime acceptum. *Lockius* autem (g) ideam durationis ex reflexione, quam ipse vocat, seu conscientia, & experientia mentis interna, formare docet. Tum enim cogitationem temporis nobis suboriri indicat, quando ideas, in mente nostra sibi invicem succedentes, contendimus cum mente nostra, quæ cogitat, atque permanet, h. e. existit, cum interea quadam illarum esse defierint. In hoc itaque exemplo continuata mentis existentia durationis nomine appellari debet. Id ipsum sensus, qui alterum cognitionis humanæ fontem constituunt, nos condocent, in duratione rerum, extra nos positarum, cum motibus v. gr. solis comparata. Vnde confit, durationem nihil aliud esse, quam continuationem existentia, qua res in existendo permanet, adeoque ab existentia re ipsa non differt. Omnis autem involvit relationem unius rei, quæ existit, ad alias, ita ut, dum aliæ res existunt, ea quoque, de cujus duratione quæritur, coexistere, aut, si aliæ esse defierunt, ipsa superesse dicatur. Hic autem, cum maxime mensuræ, & rerum mensuratarum ratio perspecta esse debet, inter cæteras res, vel potius rerum modos, in quibus ordo successionis,

prius

(f) *De intellectu humano lib. II. cap. XIV.*

(g) *L. c. §. 3.*



prius & posterius, obtinet, quique adeo mensuræ vicem sustinere possunt, est lunæ, & præcipue solis, motus, hinc mensium, illinc annorum & dierum mensuratio. Est hic mensurandi modus omnium longe accommodatissimus, durationi rerum, ubique locorum, perpetim & accurate designandæ, ob motum in utroque lumine, inde ab exordio mundi, continuum, omnibus sensibilem, constantem, regularem & æquabilem, nec nimis lentum, nec nimis celerem. Inde duplex mensura petita, altera minor, altera major; dies, nempe, & annus. Ille quidem a revolutione, five vera, five apparenti, solis prima seu communi, hic a secunda, seu propria. Moram enim illam, quam trahit sol, dum motu primo semel revolvitur circa terram ad idem punctum, a quo digressus erat, diem appellamus, & distinctionis quidem causa, naturalem; hujus quippe pars, mora scilicet solis supra horizontem, artificialis, & residua, mora videlicet ejusdem luminaris infra horizontem, noctis nomine insigniri consuevit. Inde minores rursus enatæ sunt mensuræ, hora scilicet, i. e. vigesima quarta pars diei naturalis, minutum horæ sexagesima pars, & secundum, minuti sexagesima pars. In majori autem mensura dies quasi conglomerati, & certæ periodi constitutæ sunt. Cujusmodi sunt, primo, periodus septem dierum naturalium, quæ *εβδομας*, five septimana dicitur. Secundo, revolutio lunæ integra, quæ peragitur XXIX. diebus, XII. horis, XLIV. minutis, III. secundis, & mensis periodicus, item annus lunaris vocatur, vel vulgo ipsi æquivalens periodus quatuor septimanarum, mensis popularis dictus. Tertio, tota solis revolutio per Eclipticam, a certo ejus puncto (v. gr. æquinoctii, aut solstitii) ad idem, quæ absolvitur, CCCLXV. D. V. H. XLIX. M. atque annum solarem & tropicum appellamus. Quarto, annus lunaris complexus, ex duodecim lunæ mensibus periodicis, tanquam annis simplicibus constans, qui est CCCLIV. D. VIII. H. XLVIII. M. XXXVI. S. (b) In his quidem solis & lunæ motibus adest perpetua successio, seu prius & posterius, non tamen inde hæc successio, hæc momenta priora & posteriora rebus quibuscunque applicari debent, quas tamdiu durasse dicimus. Aliter de substantiis, aliter de modis est pronuntiandum. Modi quidem, actiones nempe & passio-

B

passio-

(b) Qua de re videri potest inter alios *Christ. Wolffius* in den Anfangs-Grün<sup>9</sup> den aller Mathematischen Wissenschaften, III. Theil, p. 1478. seqq.



passiones sese invicem excipiunt, oriendo & intereundo, licet a quibusdam modis, aliquot minuta, sive secunda durantibus, successio utique tamdiu abesse possit, e. gr. a cogitatione uni rei attente inhærente. Verum enim vero substantiæ, v. gr. mentes, sub omnibus mutationibus cogitationum & volitionum suarum eadem permanent, & existentiam suam continuant. At scrupulum hic injiciunt corpora, in primis vegetabilia, animalia & humana, in quibus partes per transpirationem, & sudorem abeunt, & novæ per nutritionem accedunt, unde & substantiæ successivæ appellantur: at, præterquam quod juxta mentes, & reliquos spiritus corporeæ quoque dentur substantiæ, v. c. singulares materiæ particulæ, inanimatæ massæ, in quibus ejusmodi refluxus & affluxus haud deprehenditur, quasque ideo permanentes vocare moris est, e. gr. gemmæ, numi aurei, &c. sollicite discrimen tenendum est inter partes substantiarum successivarum solidiores & fluidiores. Illas, v. gr. ossa, ejusmodi vicissitudinem subire nemo facile probaverit. Substantia itaque talis composita, qua illas partes firmiores, durat, & eadem permanet, qua has successioni utique est obnoxia (i).

Hisce de relativa temporis natura disputatis subjiciamus alteram dicendorum partem, quæ originem temporis mensurandi spectat. Res facti est, ad quam testandam produci idoneos autores necesse est. Prodeat primus *Herodotus*, antiquissimus ex gentilibus, quorum libros legimus, soluti sermonis scriptor, scribens (k): *Aegyptios primos omnium hominum invenisse annum, eique XII. tempora distribuisse, atque hæc ex astris comperisse.* Succedat, eodem multo junior scriptor, *Diodorus Siculus*, qui id inventi Thebarum incolis tribuit. Ita enim de iis scribit (l): *Thebani dicunt, se ipsos esse omnium hominum antiquissimos; & ab ipsis Philosophiam & exactiorem astrologiam fuisse inventam, adjuvante eos terræ situ ad illustrius cognoscendum ortus, & occasus siderum. Peculiari autem modo menses & annos apud se ordinatos esse. Nam dies non ad lunæ, sed ad solis motum exigentes, tricenos quidem dies mensibus attribuunt, sed post duodecimum quemque mensem V. dies cum quadrante intercalant; eoque*

(i) Observationem hanc debemus D. Jac. Wilhelmo Feuerlino in dissert. de aternitate Dei, hab. Altorf. 1734.

(k) In histor. lib. II. cap. IV.

(l) Lib. I. biblioth. suæ historicae.



eoque modo circulum annum absolvunt. Verum *Herodotus*, fama Aegyptiacæ sapientiæ, unde cetera omnis manasse credita fuit, permotus, ita statuit, uterque autem, quantum ipsis cognitum fuit, testimonium perhibuit, in tantum fortean admittendum, in quantum Aegyptii juxta & Thebani, temporis mensuræ apud alios ævi sequioris gentes auctores esse potuerunt, cum tamen eam ipsi, ab antiquioribus populis acceptam, suos docuerint, vel, levi etiam immutatione facta, perfecerint. Sed hoc loco quærimus hujus chronologiæ principium absolute primum, cui reliquæ omnes nationes, vel proxime, vel remote, rationem computandi temporis suam debent. In ejusmodi facto testando, a memoria sua quippe remotissimo, citati testes omnino deficiunt. Veriora longe & certiora nos conducet, omnibus antiquior, omnique exceptione major scriptor, *Moses*, sub initium *geneseos* s. *annalium mundi* (m), & siderum ortum, & ab iis tempora mensurandi originem ab ipso Deo, mundi conditore, derivans. Postquam enim in principio cœlos & terram, una cum luce, omnipotenti suo verbo, seu voluntatis imperio producta commemorasset, subdit (n):  
וַיְבָרֶךְ אֱלֹהִים : וַיִּקְרָא אֱלֹהִים לְאוֹר יוֹם וּלְחֹשֶׁךְ קִרְאָה לַיְלָה וַיְהִי־עֶרֶב וַיְהִי־בֹקֶר יוֹם אֶחָד :

§ dividit inter lucem & caliginem, lucem autem diem, caliginem, noctem vocavit, § fuere vespera § mane unus dies. Dein in locum & usum primigeniæ lucis die quarta successisse lumina cœli dicendo pergit (o):  
וַיֹּאמֶר אֱלֹהִים יְהִי מֵאֲרָרַת בְּרָקִיעַ הַשָּׁמַיִם לְהַבְרִיל בֵּין הַיּוֹם וּבֵין הַלַּיְלָה וְהָיוּ לְמֵאוֹרַת בְּרָקִיעַ הַשָּׁמַיִם לְהַאֲרִיךְ עַל־הָאָרֶץ וַיְהִי־כֵן : וַיַּעַשׂ אֱלֹהִים אֶת־שְׁנֵי הַמֵּאוֹרַת הַגְּדֹלִים אֶת־הַמֵּאֲרָה הַגְּדֹלָה לְמַמְשֶׁלֶת הַיּוֹם וְאֶת־הַמֵּאוֹר הַקָּטָן לְמַמְשֶׁלֶת הַלַּיְלָה וְאֵת הַכִּכְבֹּת :

§ dixit Deus, in expanso cœli fiat unum luminare post alterum, quæ dividant noctem inter § diem, § sint in signa, stata tempora, dies § annos, ac sint in lumina in cœlorum expansione, ad lucendum supra terram, § fuit ita. Fecit enim Deus duo lumina magna, lumen magnum in dominium diei, § lumen minus in dominium noctis, atque stellas, &c. De authenticia hujus testimonii nulla unquam lis mota fuit. Sensum

(m) Cap. I. passim.

(n) Vers. 4. seq.

(o) L. i. all. vers. 14. 15. 16.



in se planum plenior modo exhibere liceat. Deus, qui intra sextiduum mundum creare, neque tamen solem ante quartum diem terris illucere volebat, lucem ex tenebris emicare iussit, ut illius ortus & occasus triduum emetirentur; alias enim trium primorum dierum opera ab insequentis diei operibus, ut tempore distincta, intelligi haud potuissent (p). Deo itaque efficaciter volente, alterum terrarum orbis hemisphaerium luce illuminatum fuit, quæ intra *νοκτιμαρα* spatium terram, ad instar solis ambiit, unde ex quo lux effulsi, & circa terram acta est, dies & noctes numerari, atque lux & tenebræ tempore dividi potuerunt, cum antea una nox existeret. Has temporis partes, noctem & diem vocavit Deus, i. e. certis nominibus posthac distingui voluit, id quod summi in eas dominii sui indicium merito habetur. Sic fuere vespera & mane, i. e. nox & dies, quibus unus, isque primus, absolvebatur dies. Quarto denique die posuit in cœlis stellas, & inprimis, duo lumina magna, oculis nostris sic visa, quibus viciniore sunt sol & luna, quam stellæ fixæ, & majores planetæ. Hæc lumina inservitura voluit, in signa & stata tempora, quæ inter anni & dies præcipua sunt, quippe secundum quos, & naturales tempestates, & civilia & sacra negotia dispertimur. Solem diei, lunam nocti præesse, & multiplici in terram, ejusque incolas, usu prodesse sapientissime sanxit. Fecit & stellas, itidem ad lucendum noctu super terram, & ad discrimina quoque temporum indicanda. Authentia itaque & sensu testimonii salvis, de ipsius testis *αξιωματικα* dispiendum erit. Atqui *Mosis* in testando auctoritas, qua, eundem verum & potuisse & voluisse literis mandare, cum animi fiducia judicamus, invictis dudum argumentis asserta fuit, quæ, uti pro toto operis sui argumento, sic & consequa ratione, pro hujus *πειρασμο* veritate militant. Iuvat tamen, ne telum, quo petivimus *Herodotum* & *Diodorum*, in nos retorqueatur, ac si ipse *Moses* re, quam testetur, longis retro temporum intervallis junior sit, paucis ostendere, quam facili negotio is in hujus rei notitiam certam venire potuerit, si etiam tantis per *καὶ ἀνθρώπων* ejusdem *θεοπνευστιαν* se ponere velimus. Quinque enim, vel sex hominum ministerio hujus rei fama haud corrupta ad eum dimanare potuit. Vix namque

(p) Quæ & qualis illa luminosa substantia fuerit, philosophorum conjecturas vide, inque iis *Treuneri* præcipue & *Wideburgii*.



que duæ inter Noachum & Amramum, *Mosis* patrem, intercesserunt generationes; Noachus autem omnes ante diluvianos patres, si a solo Adamo, Setho & Enocho discefferis, vivendo attigit, adeoque nonnisi tres generationes ab ortu mundi abfuit. Sed nos quidem Christiani non tam ob id humana, quam divina fide credimus *Mosi*, vel potius summo Deo, per calamum ejus infallibiliter testanti. Hac fide, quam spiritus Dei, qui, uti *Mosis*, sic & reliquorum sacrorum librorum, argumento & sensui efficacissime præsens est, in nobis gignit, amplexamur quoque cetera Dei hac de re testimonia, in ora stilosque prophetarum dictata, *v. gr. Psalm. CXXXVI. vers. 7. seqq. Ierem. cap. XXXI. vers. 35.* Imo apud eundem *cap. XXXIII. vers. 20. 25.* dispositionem luminarium ad dimetienda tempora appellat ipse Deus fœdus suum, a nemine irritum faciendum. Hisce *Mosis*, & aliorum Dei virorum, de divina temporis mensuræ origine testimoniis ipsa rei consideratio argumentum addit, ut adeo & hic divinæ revelationi ratio sibi relicta consentiat. Philosophorum scitum est, rerum usus esse indicia finium, i. e. supponere causæ efficientis volitiones, de bonis hisce per effectum obtinendis, si nimirum tanta inter res, quarum usum mutuum quotidiana experientia ostendit, intercedat relatio & coordinatio, ut, hac sublata, usus intercidant, posita autem, & ii omnes continuo consequantur. Jam terræ ad solem & lunam tam manifestus est respectus, ut, si lunam & solem e medio tollas, evanescant annorum & mensium vicissitudines, dierum, noctium & horarum discrimina. Is horum luminum usus tam evidenter se prodit, ut facili ratiocinio homines addiscere possint, eundem etiam esse horum finem a Creatore intentum. *Aratus*, excitatione *Hug. Grotii* (q), de Iove sic canit:

Αὔλος γὰρ τὰ γε σημεῖα ἐν χρανῶ ἐσηρξεν,  
 Ἀστὲρ διακρίνας. ἐσκεψάτο δ' εἰς ἐνιαυτὸν  
 Ἀστῆρας, οἱ κε μαλίστα τέτυγμένα σημαίνουσιν  
 Ἀνδράσιν ὠρᾶων, ὅφρ' ἐμπεδα πάντα Φυωνίαι.

B 3

Ipse

---

(q) *De veritate relig. Christ. lib. 1. p. 35. edit. Parisiens. A. MDCL.* quæ seorsum prodiit, frustra renitente & pro contraria affirmanda sententia contendente *Io. Christ. Kæchero*, vid. *ejusd. dissert. epistol. Historiam libelli Grotiani de veritate religionis christianæ, complectens. S. XI. p. 7.*



*Ipse etiam in magno defixit sidera mundo  
Ordine quæque suo, atque in totum providus annum  
Astra dedit, quæ nos moneant, qua quælibet hora  
Apta regi, certa nascantur ut omnia lege.*

Concinit Ovidius, ibidem citatus, his versibus:

*Tot numero, talique Deus simulacra figura  
Imposuit cælo, perque atras sparsa tenebras  
Clara pruinosa jussit dare lumina nocti.*

Plinius (r) solem, inter alia elogia, veluti temporum rectorem dilaudat, & eleganter lunam in tenebrarum remedium ab natura repertum esse ait *sidus*. Lectione quoque dignum est, quod Cicero hac de re pronuntiat (s): cum videmus, inquit, tum vicissitudines dierum, atque noctium, commutationesque temporum quadripartitas, ad maturitatem frugum, & ad temperationem corporum aptas, eorumque omnium moderatorem & ducem solem, lunamque, accretione, & diminutione luminis quasi fastorum notantem & significantem dies: tum in eodem orbe in XII. partes distributio, quinque stellas ferri, eosdem cursus constantissime servantes, disparibus inter se motibus, nocturnamque cæli formam undiquaque sideribus ornata, &c. Hæc igitur & alia innumerable cum cernimus, possumus ne dubitare, quin his præsit aliquis conditor vel effector. Deus itaque, concludamus enim, terræ luminumque cæli effector potentissimus, hæc corpora in tali situ motuque sibi invicem coordinavit constantissima voluntatis suæ lege, ut, quem usum in temporum rationibus hominibus præstent, ab ipsomet Deo sapientissimo consilio intentum fuisse, vel ratio hominis sibi relicta dicat. Quin jam hic usus scopusque primo statim homini, ceu terræ domino, innotuerit, nullo jure dubitare possumus, sive is divino oraculo hac de re monitus fuerit, sive naturali mentis sagacitate, qua summa, cum adhuc integer esset scelerisque purus, pollebat, id ipsum animadverterit. In hoc Adami scientiam astronomicam, si qua dici potest, quam maxime constitisse, opinamur. Ab Adamo posterius ejus edocti dies & noctes, annos & menses, in numerato habuerunt. In prima namque mundi

(r) In *histor. nat. lib. II. cap. VI.*

(s) *Tuscul. quæst. lib. I. p. m. 162. seq.*



di ætate, quæ ab hujus initio usque ad terræ diluvium exporrecta est, & cujus priorem partem Adamus, posteriorem Metufala emensi sunt, dierum & noctium, annorum & mensium crebra facta fuit mentio. Sic Deus Noacho certum annorum non modo & mensium, sed & dierum & noctium numerum præfinivit, quo elapso, terram undis perditurus erat. Mensium item primi, secundi, septimi & decimi distincta fit mentio, non, quod plures annus haud complexus fuerit, sed quod in ceteris mensibus nihil eveniret, quod *Mosi* commemorandum foret. Constat quoque, menses triginta diebus fuisse circumscriptos, quum a decima septima die secundi mensis usque ad decimam septimam septimi mensis dinumerentur centum & quinquaginta dies (t). Septenarium porro dierum circulum ex ipsa creationis intra septiduum factæ historia compertum exploratumque habuere primi homines cum suis posteris. Peculiaris autem hebdomadis & singulorum dierum appellatio, distincte tradita, haud legitur. Præfidenter itaque R. *Jehuda* (u): *Adam*, inquit, *pulsus est e paradiso nocte sabbathi, atque inde initium numerationis dierum, quæ sex creationis diebus innititur. Atque ibi incepit Adam nomina diebus imponere.* Forte tamen hinc est explicanda loquendi forma, qua *Moses*, primam fratrum bigam sacrificia sua Deo obtulisse, scribit (x): מִקֵּץ יְמֵי, a fine dierum, i. e. septimo & ultimo die, quem Deus externo & publico cultui sui nominis ab initio statim consecrari jussit. Ne quid tamen dissimulem, dies h. l. de anno accipiunt alii (y). Id quod & oblatio Caini e fructu terræ portendere videtur; ejusmodi enim sacrificia, absoluta messe, a Deo in populo peculii sui postea quoque sancita vel restaurata leguntur (z). Vnde ad concludendum facile esset, annum Iudæorum civilem, cujus initium in mense Tisri, qui Septembri nostro respondet, a novilunio autumnalis æquinoctii ductum fuit, a primis confestim mundi initiis obtinuisse. Secundum hunc annum illi tempora mundi conditi supputant, & tempus anni quietis,

(t) *Genes. VII. & VIII. cap. coll. c. XXIV. vers. 55.*

(u) *In dialogo, Sepher Cosri dicto, ex allegat. Witsii lib. III. Aegyptiacorum p. 241.*

(x) *Loc. cit. cap. IV. vers. 3.*

(y) *Coll. locis Genes. cap. XLI. vers. 1. & Levitici c. XXV. v. 29.*

(z) *Exod. c. XXIII. v. 16.*



tis, annumque jubilæum, haud obscuro indicio ad tempus habito, quo, & intra quod universitas rerum effecta fuit. Inde probabile est, primos mundi incolas terræ superficiem, a se inhabitatam, primum conspexisse, qualis est sub autumnii tempestatem. Eosdem præterea annum in tempestates primitus jam partitos esse, dubio caret (a): at, quot numeraverint, ob varias in cit. loc. obviarum vocum acceptiones haut ita explorata res est. Si LXX. *Interpretum, Vulgatam, & b. Lutheri Versionem* audiamus, duæ modo tempestates tum numerabantur; ibi *θερος και εαρ*, æstas & ver, hic æstas & hyems, ibi respectu ad sationem & messem, hic ad æstum & frigus habito, sed utrobique ordine vocum haud servato. At cum alibi in divinis scripturis annus in duas tempestates, unam calidam, alteram frigidam dividatur (b), *vulgatæ & nostræ translationi* major præ LXX. *virali versione* accedit probabilitas. Verum, præterquam quod hæc generalis anni divisio, illam in quatuor nequaquam respuat, magis probamus interpretationem, quæ quatuor tempestates exhibet (c), eo quod, ordine minus trajecto, verbis aptum subjiciat sensum. Sic enim verba Dei secundum hanc sententiam se habent: *non amplius futurum est, ut per omnes telluris dies cessent sementis & messis*, קור *frigus, seu hyems*, חום, *æstus*, qualis, extremo vere, in Palæstina esse solet (d), קיץ, *æstas intensissimi in illa terra caloris, qui fere tædio sit*, חרף *autumnus* (e), quæ vox apud Arabas residua adhuc autumnum, & per metaphoræ tropum ætatem virilem denotat. Diei denique in certas horas distributionem quod attinet, eam ante diluvium, & post id per longum tempus incognitam fuisse, facile largimur, cum hujus instituti nulla mentio, quæ tamen sæpissime fieri & debuisset & potuisset, injiciatur. Prima demum horarum & horologii commemoratio in sacris libris facta fuit sub ætatem Regum Iudæ, Achaz & Hiskia (f). Eodem modo majora diei segmenta, certis loquendi formis appellitata, diu in usu veteribus quoque fuisse, libri

(a) Ex *Comm. ult. Genes. cap. VIII.*

(b) *Psal. LXXIV. vers. 17. & Zach. c. XIV. v. 8.*

(c) Legitur ea in *Io. Clerici Comment. in b. loc.*

(d) *Coll. Esai. cap. XVIII. vers. 4.*

(e) *Coll. Proverb. c. XX. v. 4.*

(f) *II. Reg. cap. XX. vers. 9.*



bri divini testantur (g). Talis *Φεασις* est, qua *Moses* (h) utitur: לְרוּחַ הַיּוֹם *sub aura diei*. Ubi quidam interpretes pomeridiani temporis priorem, alii posteriorem partem intelligunt, quibus postremis consonat *b. Lutheri versio*; *Io. Clericus* autem id tempus diei de aura sub diluculum flante exponit (i). Adducta argumenta, credo, satis superque nos condocerunt, quomodo tenebras lux, hanc lumina cœli exceperint, quis horum usus finisque a Deo ipso institutus fuerit, & unde prima & huic proxima hominum ætas omnem dimetiendi temporis rationem didicerint. Ab hac per Noachum ejusque familiæ capita ea notitia transiit ad omnes habitabilis orbis gentes, quæ ab aliquibus, accedente, ope accuratius in luminibus cœli institutarum observationum, arte, in dies magis magisque culta, aucta & perfecta fuit; ita tamen, ut nonnisi, jactis jam ab initio mundi fundamentis, hæc chronologiæ ars inædificata fuerit. Vestigia hujus traditionis inter cunctas fere gentes, de quibus aliquid memoriæ proditum est,prehenduntur, quæ adeo novum, idque ultimum suppeditant argumentum, quo divina temporis mensuræ origo, qualem *Moses* in literas retulit, evinci potest. Iuvat paucis hæc vestigia relegere. Vetustissimam apud omnes gentes famam ita habuisse, ut *Mosis* scripta prædicant, scribit *H. Grotius* (k), & latius in sequentibus probat. Nos ex eo aliisve pauca, ea tamen luculenta testimonia, quæ spectant præsens institutum, colligemus. Missa quidem h. l. facimus, quæ ex *Sanchuniathonis* maxime & *Orphei* theologia adduxit *Grotius*, non quod omnia plane iis ab interpretibus, seu mavis, impostoribus afficta putemus; sed quod nullum *γεννησιον* suppetat, vera a fictis dignoscendi. Extitisse certe harum rerum multo antiquissimam traditionem, arguunt ipsi testes, quos haud rejiculos in medium jam afferemus, cum, eos sua aliunde, a barbaris nempe gentibus, quas sic vocare moris erat, accepisse, ipsa illorum testimonia evincant. Primum singularem hominum, dein integrarum gentium

C

testi-

(g) *Genes. c. XXIX. v. 7. Iud. c. XIX. v. 8. 11. Cant. c. II. v. 17. I. Sam. XI. v. 9.*

(h) *Genes. c. III. v. 8.*

(i) Id quod probat in *Comment. ad h. l.*

(k) Vid. editio *Kæcheriana*, prod. A. 1726. §. XVI. p. 29.



testimonia & instituta producamus. *Hesiodus*, uti tenebras lux, noctem dies exceperit, sic canit (l).

Εκ χάος δ' Ερεβος τε μελαινα τε Νυξ ἐγενοντο.  
Νυκλος δ' αὐτ' Αἰθήρ τε καὶ ἡμέρα ἐξεγενοντο,  
Οὓς τέκε κυσσαμένη, Ερεβει Φιλοτῆρι μεγίστῃ.

*Hinc Erebum simul & Noctem Chaos edidit atram,  
Aethera supremum genuit Nox atra, diemque,  
Quos commista Erebo grato concepit Amore.*

Ipsa res, ut & vocabulum Erebi *Mosaico* כְּרֵב responding, traditionem sapiunt. Fictio consanguinitatis & matrimonii tropi lumen est, quo rerum, quas sic jungunt, in natura aut tempore nexum exprimere poetarum mos fert. *Aristophanes* quoque (m) in hanc rem ita canit:

Χαος ἦν καὶ νύξ Ερεβος τε μέλας πρῶτον καὶ Τάρταρος εὐρύς.

*Chaos & nox primum erat atque Erebus nigricans & Tartarus ingens.*

Hæc verba ipse *Lucianus* cum *Mosis* historia confert (n), dicens: ἡν φῶς ἀφθιτον, ἀοράτον, ἀκαίανοντον, οὐ λυεῖ το σκοῖος καὶ τὴν ἀκοσμίαν ταύτην ἀπηλάσσει. λογῶ μόνῳ ρηθέντι ὑπ' αὐτῆς, ὡς οὐ βραδυγλωσσος ἀπεγρῆψατο, οὐρανὸν ἐξάνυσεν, ἀστέρων ἐμορφώσεν ἀκλανεῖς δρομὸν διέλαξατο. *Erat lux incorruptibilis, invisibilis, incomprehensibilis, quæ dissolvit tenebras, & in formitatem istam abegit, verbo solo dicto ab ipsa, quemadmodum tardilinguis iste descripsit: cælum explanavit, stellas formavit fixas, cursum ordinavit.* Sic *Thales* (o) rotundo ore quærenti, quid prius fuisset, nox an dies? respondit, *noctem fuisse priusquam fuisset una dies*: πρὸς τὸν πυθόμενον τι πρότερον ἐγένοντο νύξ ἢ ἡμέρα; ἡ νύξ (εφη) ΜΙΑ ἡμέρα πρότερον. *Primigeniæ lucis & qui ei successit, solis mentionem haud obscuram injicit Empedocles* (p), commemorans δύο ἡλίας, τὸν μὲν ἀρχέλυπον, τὸν δὲ φαινόμενον. *Duos soles, alterum originalem, alterum eum qui appareat.* *Platonis* senten-

(l) In *Theogonia* v. 123. seqq.

(m) In *comædia*, qui inscribitur *Oevides*, s. *Aves*.

(n) In *Philopatride*.

(o) Teste *Diog. Laërtio*, lib. 1. de *Vit. Philos.* Segm. 35. 36.

(p) Vid. *Opera Plutarchi* lib. 11. cap. 20.



sententiæ Hebræam gentem consentientem affert *Chalcidius* in suis commentariis in illius *Timæum* (q). Sic & instituta apud gentes usu recepta fuerunt, quorum probabilis ratio non aliunde, nisi ex antiquissima traditione dari potest. Pertinet huc mos tempora per noctes numerandi. Οἱ Νομάδες τῶν Λιβυῶν & ταῖς ἡμέραις, ἀλλὰ ταῖς νύξιν; αὐτῶν ἀριθμοῦσι τὸν χρόνον. *Numidæ in Libya non ex diebus, sed ex noctibus tempora sua computant*, ait *Nicolaus Damascenus* (r). *Athenienses* (s) a sole occaso ad solem iterum occidentem omne id medium tempus unum diem esse dicunt (t). Ex eodem fonte derivamus, quod *Dianam*, quæ est *Luna* & nocti præest, priusquam *Apollinem*, sive *Solem*, natam esse *Græcorum* mythologia tradit (u). Nec multum abludit consuetudo *Aegyptiorum* & *Romanorum*, qua singulos dies a media nocte usque ad mediam proximam annumerant (x), quam consuetudinem plerique *Europæ* incolæ hodiernum sequuntur. A quo præterquam ad primas mundi origines reducemus honorem diei septimi temporumque digestionem per hebdomadas. Harum usum & illius memoriam in omnibus fere gentibus ostendunt *Grotius* (y) & *Petr. Dan. Huetius* (z). Equidem haud sustinemus horarum & horologiorum inter gentes usum ab *Iudæis* auctoribus repetere; id tamen compertum exploratumque est, inter *Græcos* per duo fere secula serius hanc minorem temporis mensuram inventam fuisse. Sic *Pli-*

C 2

nius

(q) Pag. 223. consul. *H. Grotius loc. cit. §. XVI. p. 51.*

(r) Apud *Stobæum sentent. serm. XLII. fol. 293. ex cit. Grotii & Kœcheri l. & §. alleg. p. 40.*

(s) Vid. *A. Gellii Noct. Attic. lib. III. c. II. p. 209. edit. Lugd. 1706.*

(t) *Kœcherus* quidem hunc morem ex corrupta & falsa intellecta traditione originem suum traxisse autumat, eo quod tenebræ quidem lucem, non item nox diem antevertit. Verum præterquam quod expositio sua com. V. *Genes. I.* manifestam simplicitati verborum *Mosis* vim inferat, quid fiet de *Hebræis* eundem morem tenentibus, num & hunc ex corrupta falsoque intellecta traditione manasse dicet, non putaverim.

(u) Conf. *Huetii Demonstrationes Evang. p. 119. edit. Lips. 1694.*

(x) Vid. *Huetius & Gellius locis citatis.*

(y) *Loc. cit. p. 54.*

(z) *Loc. cit. p. §§. 264. 274. Præ cæteris autem conferantur disput. Wernsdorffii & Syrbii.*



nus (a) Anaximenem, Laërtius (b) vero Anaximandrum, hujus præceptorem, primum Gnomonices inventorem dilaudant, quam & ipsam hanc artem aliunde in Græciam invec̃tam Herodotus (c) testetur. Sic enim scribit: γνωμονα και τα δωδεκα μερεα της ημερης, παρὰ Βαβυλωνιων εμαθον Ελληνες. Gnomonem partesque diei duodecim, Græci a Babylonii didicerunt. Is ipse quoque (d) sua ætate diem, verum æquinoctialem, in duodecim partes divisum fuisse, tradit. Vnde laudatus Salmasius conjicit, horarum & horologiorum usum apud Græcos non multum antecessisse Alexandri M. ætatem. Penes Romanos CCCCLXXVII. annos elapsos esse refert Plinius, cum a M. Valerio Mesalla horologium in foro poneretur, Catina capta, ex Sicilia advec̃tum. Censorinus (e) horarum nomen non minus annos trecentos Romæ ignoratum fuisse, credibile esse, scripsit. Generalissimis ante id tempus usi sunt cum Græci, tum Romani loquendi formis. In legibus Atticis suprema diei hora ita circumscribitur: ει εστιν ηλιος επι των ορων, donec sol juga montium transcendat, h. e. occidat (f). Diei tempus in XII. Tabulis Romanorum sic discriminatum legitur in Gellio (g): Ante. Meridiem. Causam. Conscito. Quom. Perorant. Ambo. Præsentes. Post. Meridiem. Præsenti. Stlitem. Addicito. Sol. Occasus. Suprema. Tempestas. Esto. Id quod nemini mirum videbitur, qui in recentissima quoque historia horarum defectum apud populos relatum leget. Sic Auger. Gislen. Busbequius (h) de sua ætate testatur, Turcis horas non esse, quibus diei spatia distinguere. Diem namque solum eos in quatuor majora aut minora intervalla, prouti anni tempus fert, dispescere. Anni porro quod attinet in duodecim menses distributionem, eam in prima mundi ætate diviniorem prodere originem supra docuimus, & vel exemplo aliarum gentium confirmari potest, quæ, licet artis astronomi-  
cæ

(a) Lib. II. Hist. Natur. c. 78.

(b) Lib. II.

(c) In Euterpe.

(d) Ex citatione Salmasii in Solinum p. 641.

(e) De die natali cap. 22.

(f) Apud Stobæum serm. I.

(g) Lib. XVII. cap. II. p. 751.

(h) Legationis Turcicæ epist. I. p. 40.



cæ accuratiori notitia, æque uti prima hominum progenies, caruerint, haud tamen tam felicibus esse contigit, ut anni tempus æquali accuratatione definire potuerint. Arbitraria, non ad leges astrorum adstricta, divisio anni apud illos obtinuit. De Atheniensibus Ammonius Hermeas scribit: διηγήσθαι πρὸς Ἀθηναίους ὁ ἐνιαυτός εἰς δέκα πρὸς λανείας, ὅσαι καὶ Φύλαι ἦσαν. Distribuebatur apud Athenienses annus in decem menses, quot etiam tribus erant (i). De Romulo cecinit Ovidius (k):

*Tempora digereret cum conditor urbis, in anno  
Constituit menses quinque bis esse suo:*

quanquam jam ante Romam conditam annus decimestris obtinuerit (l). Vestigia antiquissimi moris annum ab autumno inchoandi deprehendimus apud Aegyptios & Phœnices, quos annum a Septembri mense auspiciatos fuisse docet Huetius (m). Generalem denique anni in duas tempestates, æstatem & hyemem, suam quoque, teste Clerico (n), veteres & Latini & Græci quandoque fecerunt. Verum plura persequi & festinatio & voluminis angustia prohibet. Avocant nos ab aliis gentibus nostri majores. Quæ prisca moris, tempus numerandi, apud Germanos vetustissimorum rituum præ aliis tenaciores remanserint vestigia, strictim visuri sumus. Vbi primum occurrit, quod ex antiquissimo instituto νυχθήμερον ab occasu solis cœperint. Testem excitamus C. Cornel. Tacitum (o), scribentem: *nec dierum numerum, ut nos, sed noctium computant. Sic constituunt, sic condicunt. Nox ducere diem videtur.* De Gallis, qui in vitæ consuetudine proxime a nostris abfuere, idem refert C. Jul. Cæsar (p); Galli se omnes, ait, a Dite Patre, prognatos prædicant, idque ab Druidibus proditum dicunt. Ob eam causam spatia omnis temporis, non numero dierum, sed noctium finiunt, & dies natales & mensium & annorum initia sic observant, ut noctem dies subsequatur.

C 3

(i) Vid. Gellius l. c. p. 248. in not. 33.

(k) Lib. I. Fastorum.

(l) Vid. idem Ovidius lib. cit.

(m) Loc. cit. p. 119.

(n) In notis ad Genes. VIII. com. ult.

(o) De situ, moribus & populis Germaniæ cap. XI. p. 70.

(p) In VI. Commentar. lib. c. XVII. 1.



quatur. De Septentrionalibus populis, speciatim Danis *Wilh. Langius* (q), ut & Anglis idem ostendunt *Keyslerus* (r) & *Phil. Cluverius* (s), quibus familiare est unam & duas hebdomadas VII. XIV. *Nächte*, contrario nobis more appellare. Nihil etiam frequentius esse in legibus salicis, quam ut intervalla caussarum civilium per noctes connumerentur, probat *Just. Christoph. Dithmarus* (t), qui & *Eccardum* laudat, docentem, hunc morem apud Germanos diu obtinuisse. Vnde fortassis est, quod inter Polonos, Bohemos & in aliquibus Germaniæ locis signum campana datum, quo occasum solis intimatur, *den Garaus* vocant. Dies in hebdomadas distinctos fuisse comprobant vel antiquissima apud Germanos, Gallos & Britannos dierum nomina. I. erat *Sonntag* a *Sunna* sole, s. Freio; II. *Maandag* a *Maan*, luna; III. *Tuisdag*, *Thijsdag*, *Thinsdag*, a *Tuistone*, Romanorum Marte; IV. *Woensdag*, adhuc a Belgis sic dictus, ab *Odino*, sive *Wodano*, Romanorum Mercurio; V. *Thorsdag*, a *Thorons*, Roman. Iove; VI. *Fridag*, a *Frea* vel *Fricea*, Roman. Venere; VII. *Saterdag* a *Satar* Roman. Saturno (u). Sunt quidem viri doctissimi, v. gr. *Io. Marshamus*, qui hebdomadicum dierum orbem ex Mathematica disciplina, atque ex intimo Aegyptiacæ antiquitatis penu depromptum fuisse perhibent, in subsidium sententiæ *Herodotum* (x) & *Dionem Cassium* afferens. Hic (y) inventum, ait, *Aegyptiorum est quod dies adsignantur septem stellis, quæ planetae vocantur*. Ille (z) pari modo: *Alia etiam ab Aegyptiis inventa sunt*. *μεις τε καὶ ἡμερὰν ἐκαστὴν θεῶν ὅτεν ἐστὶ*, quis mensis, & quis dies cujusque sit Deorum. Sed allata testimonia modo inferunt, singulis

(q) De anno Christi lib. I. p. 26.

(r) *Antiq. select. Sept. & Celtic.*

(s) *Lib. I. Germ. Ant. c. XXXIII.*

(t) *Ad locum cit. Taciti.*

(u) Vid. *Arnold von den Wochen und Böken-Bildern der Teutschen C. 3. p. 23. seqq. & plures alii*. *Sambstag* idem sonare ac *Sabbathstag* conjicimus.

(x) De *Herodoti* verbis dubium quidem movet *Kæcherus* p. 56. Sed plana omnia nobis videntur, si in memoriam revocamus, Romanos olim mensibus singulis præfecisse Numen, quidni idem de Aegyptiorum superstitiosa anxietate dicemus. Numina autem, quibus menses dicati erant, indicat *Rhodiginus* in *Antiq. Lect. lib. XXV. c. XXX.*

(y) *Lib. XXXVI. p. 37.*

(z) *Lib. II. c. LXXXII.*



singulis septem diebus ab Aegyptiis VII. planetarum, quos Deos coluere, nomina esse imposita; id quod facile largimur. At quod hebdomadas a septem planetis potius, quam a creatione inter VII. dies duxerint, inde haud inferri potest: quidni enim ideo Aegyptii & Græci VII. planetis VII. hebdomadis dies adscripserunt, eo quod ab aliis acceperunt, VII. duntaxat diebus minorem temporis mensuram esse circumscriptam. Et quæ idonea, scilicet! ratio, dantur VII. planetæ, ergo & septenarius dierum circulus, cur non potius duodenarius dierum numerus arrisit, petita numerandi ratione a XII. Zodiaci signis, per quæ sol revolutus menses & annum absolvit. Vniversalis fere gentium in septenarium dierum orbem consensus, isque antiquissimus mundi primordiorum historiam, ceu causam adæquatam & stringentem manifesto prodit. Bene itaque Philo (a) hunc cyclum vocat morem πανδημον καὶ τὸ κοινὸν γενεσιον, ab omnibus gentibus receptum cumque mundo natum (b). Sed redeamus in viam, ex qua paulisper divertimus. Majores nostri majora insuper temporis intervalla observaverunt, utriusque luminaris habentes rationem. Partitio anni in XII. Menses usitatissima olim fuit, quos ad motum lunæ distinxerunt, id quod non tantum vocis antiquæ *Monat* εἰς μὲν, sed & Taciti testimonium comprobant (c), dicens: *coeunt, nisi quid fortuitum & subitum inciderit, certis diebus, cum aut inchoatur Luna, aut impletur, nam agendis rebus hoc auspicatissimum initium credunt.* Subdimus Plinium testem, scribentem (d): *sexta Luna principia mensium, annorumque his facit.* Quare a sexta luna menses suos auspicati sint, res est obscura. Aegid. Strauchius (e) inter

(a) Lib. I. c. VI. §. VII. de Opif. Mundi.

(b) Accipienda est hæc phrasis universalitate morali, exceptiones admittente, quæ ita dicitur, non quod in morali disciplina obtineat, sed quod tam vago loquendi modo de moribus hominum iudicium plerumque ferant mortales. Hæc αὖ ἐν παροχῇ.

(c) Loc. cit. cap. XI. p. 69. seq.

(d) Lib. XVI. c. XLIV.

(e) In diss. de Computo. Veter. German. quæ extat in Crenii Fascis Exercitationum Philologico-Histor. T. I. p. 337.



inter alia etiam *Phil. Cluverii* *υποθεσις* affert his ejus verbis : *cujus rei nullam rationem video , nisi quod genus mortalium sexto demum die , post principium mundi , originem sui cepit. Id quod in medium relinquimus. Nomina , quibus menses insigniti sunt ante Caroli M. ætatem , qui eadem immutavit , exhibet idem Strauchius (f) , qui & annum Germanorum priscum lunæ - solarem fuisse docet , quæ antiquissima & mundo coæva fuerit anni forma. Neque vetustissima anni totius in duas tempestates divisio nostratibus ignota fuit , qua de re audiamus *Bedam* (g) : principaliter annum totum , in duo tempora , Hyemis videlicet ☾ æstatis dispartiebant : sex illos menses , quibus longiores noctibus dies sunt , æstati tribuendo , sex reliquos hyemi. In hyeme annum capeffere consueverunt Germani , Scaligero quidem in ejus partem priorem , autumnum , *Strauchio* vero in posteriorem , hyemem stricte dictam initium anni ponentibus (h). Cæterum Germanos quoque in tres partes annum partitos fuisse testatur *Tacitus* (i) : *Hyems* , inquit , ☾ *Ver* ☾ *Aestas* intellectum ☾ vocabula habent : autumnus perinde nomen ac bona ignorantur. Cujus consuetudinis rationem a populis Orientis , qui annum in tres etiam partes diviserint , derivat *Cluverius* (k). Sed manum de tabula.*

(f) Pag. 343.

(g) De ratione Temporum cap. XIII.

(h) Vid. ejusd. diff. p. 346.

(i) Cap. XXVI. p. 157.

(k) Lib. I. c. 33.



**J**Am denuo, VIR gente & mente GENEROSISSIME, MAECENAS longe GRATIOSISSIME, compellandus es, ne ægre feras, si forte juvenili scriptione mea TIBI gravis fuerim, pro affectu potius animi mei in benignam partem eam ut interpretere, demississime rogo. Specimen literarum mearum quaecunque exhibui, idque testem gratissimi erga TVA benefacta animi existere volui, memor verborum Senecæ: *quidam furtive gratias agunt, & in angulo & ad aurem. Non est ista verecundia, sed inficiandi genus. Ingratus est, qui remotis arbitris agit gratias. Idem faciunt, qui dant operam, ut beneficium in ipsos collatum quam ignotissimum sit. Et dum opinionem clientum timent, graviores subeunt ingratorum.* Idem grati animi sensus me urget, ut, quæ sit summa votorum, quibus quotidie pro TVA TVORVMQVE salute vacem, pientissime TIBI exponam. Potentissimum Numen, in cuius sapientissimis decretis omne nostrum vivendi tempus positum est, TE clementissime feros in annos, saluum sospitemque præstet, omnique prosperitatis genere auctum ac locupletatum. Aurruncet a TE longissime cuncta senectæ appropinquantis incommoda, aut temperet & leniat eadem. Effundat largissima manu Deus in ILLVSTREM TVAM PROSAPIAM omnigenum gratiarum & felicitatum florem, eamque in dies seculi immortalibus honorum meritorumque decoribus perennare iubeat. *Generosissimum* inprimis *filium* (natu maximum, PHILIPPVM FRIDERICVM) TIBI incolumen servet, studiisque EIVS literariis, quibus jam in *Illustri Eberhardina Academia*, gnaviter incumbit, ita benedicat, ut Paternæ virtutis & doctrinæ imago in dies magis magisque in ILLO exsplendescat, ISQVE in summis deliciis TIBI esse porro pergat. Concedat denique, ut in summam

D

pre-



preces meas contraham, idem propitius Deus mihi jugem de TUA salute TVAEQVE DOMVS flore lætandi & congratulandi materiam.

Ne properent! lente, lente, TUA fata incedant!  
Utque dies plures dent TIBI, cedo meos.

Quod reliquum, TVAE gratiæ & patrocínio qualiacunque studia mea, ea qua fieri potest animi religione, & in posterum commendo. Vale VIR PERILLVSTRIS, MAECENAS INDVLGENTISSIME, ad votum, imo supra votum. Dabam *Ulmae die 10. Febr. anni* nuper cœpti clp lccc xl.

